

BBV-REN AUZIA. Espainiako Bankuak espedienteak ireki zuenean jakin omen zuen legez kanpoko kontuak zeudela

Uriartek esan dio Garzon epaileari ezkutuko kontuen berririk ez zuela

Ibarrak Gonzalezen oniritziarekin sortu ei zituen BBVko kontseilarentzat pentsioak

Erredakzioa | **DONOSTIA**

BBVAko lehendakariorde eta kontseilari izandako Pedro Luis Uriartek Baltasar Garzon epailearen aurrean deklaratu zuen atzo. Finantza erakundean lanean egondako urteetan ezkutuko kontuen berririk ez zuela izan adierazi zion Uriartek epaileari, eta euren berri aurreneko aldiz Espainiako Bankuak espedienteak zabaldu zuenean izan zuela, iragan martxoan.

Uriartek azaldu zuenez, 1994an BBVAko kontseilari ordezkari izendatu zutenean, Luis Bastida BBVko Altxortegiko buruak esan zion galera batzuk atzerriko kontuetan zegoen

diru batekin estaliko zituztela. «Kontu horiek ezkutukoak zirela ez zidan zehaztu, ordea», adierazi zuen Uriartek. Horregatik eman omen zion oniritzia eragiketa horri.

Uriartek azaldu zuenez, BBVko kontseilariak kexatu egin ziren Argentariarekin batu ostean euren lansarian izandako murrizketagatik. BBVAko orduko presidente Ibarrak kexa horien berri eman zion Francisco Gonzalez bere kargukideari, eta honek «egoerari ahalik eta irtenbide egokiena» emateko erantzun zion. Ibarrak, orduan, Alicoko pentsio funtsak sortzea erabaki zuen, Uriartek Garzoni esan zionez.



RAMON CASTRO / EFE

Pedro Luis Uriarte, Madrilgo Auzitegi Nazionaletik irteten, Garzonen aurrean deklaratu ostean.

«Eragiketa horri Gonzalezek oniritzia eman zionez, pentsio horien inguruan ez nuen inolako errezelarik izan», gaineratu zuen Uriartek.

2000ko abenduan Gonzalezek pentsio horiek bertan behe- ra uzteko eskatu ziola esan zion Ibarrak Uriarteri. «Hil horren 29an gutun bat igorri nion Ibarrari diru hori itzultzeko asmoa erakusteko», gaineratu zuen BBVAko lehendakariorde ohiak. 2001eko urtarrilean itxi

zituen kontu horiek BBVAk berak Uriartek azaldu zuenez, «nahiz eta ofizialki kontuaren kitapena 2000ko abenduaren 21ean egin zuela esan».

Bestalde, BBVAko lehendakariorde ohiak gezurtatu egin zuen Jose Ignacio Goirigolzarrik Hugo Chavez Venezuelako presidentearen kanpaina finantzatu zuela. Goirigolzarri egun BBVAko kontseilari ordezkariak finantzaketa horretan zerikusirik ez zuela izan esan zuen

Uriartek eta eragiketa hori Emilio Ibarrak zuzendu zuela.

Bai kontseilarien pentsioen berri eta bai Hugo Chavezen kanpainaren finantziazioaren berri 2001eko irailaren 25ean eman zion BBVAk Espainiako Bankuari Uriartek azaldu zuten. Bilerak hartan Ibarrak eta biek hartu omen zuten parte, Ibarrak BBVAko zuzendaritza utziko zuela ere jakinarazi omen zion Jaime Caruana Espainiako Bankuko buruari.

ENPRESAK. Hamalau parke eoliko eraikiko dituzte

Gamesa Eolicak akordioa sinatu du Transfield etxearekin Australian elkarlanean aritzeko

Erredakzioa | **DONOSTIA**

Gamesa Eolicak eta Transfield Pty Australiako enpresak herrialde horretako proiektuetan elkarlanean aritzeko akordioa sinatu dute. Akordio horren arabera, Gamesak Australian eraiki behar dituen parke eolikoetatik dorreak, azpiegitura elektrikoak eta haize erroten muntaia egingo ditu Transfield konpainiak, besteak beste. Horrez gain, behin parke eolikoak eraiki ondoren, euren mantentzeaz ere arduratuko da Australiako konpainia.

Sydney sinatu zuten akordioa atzo Transfieldeko zuzendari Franco Belgiorio-Nettisek eta Gamesa Eolicako zuzendari nagusi Juan Ramon Jimenezek.

Iragan hilean sinatutako beste akordio baten jarraipena izan da. Izan ere, maiatzean Gamesa Energia, Union Fenosa Energias Especiales eta Transfieldek datozen bi urtetan Australian hamalau proiektu eoliko egitea hitzartu zuten.

Gamesako zuzendaritzatik azaldu zutenez, «Gamesa Eolicak nazioarteko merkatuetara zabaltzeko egin duen apustuarien beste adibide garbi bat da» akordio hau.

«Australiako merkatuak aukera handiak» eskaintzen ditu Gamesa Eolicako zuzendaritzaren hitzetan. «Energia eolikoa oraindik gutxi erabiltzen da Australian, herrialde osoan 72 MWko potentzia bakarrik dago ezarrita», azaldu zuen enpresak prentsa ohar bidez. Gamesaren helburua «datozen bi urtetan 200 MWra iristea da».

Horretarako «proiektukide Australiako enpresa garrantzitsuenetako bat» aukeratu du Gamesa Eolicak, euren hitzetan «eskarmentu handiko enpresa baita Transfield». Gamesako arduradunek azaldu zutenez, «gisa honetako proiektuen garapenen, diseinu, eraikuntza eta mantentzeetan lan egitea zer den badaki eta proiektu honetan ere lehia handia erakutsiko duelakoan gaude».

Bizkaiko enpresak sustatzen ditugu merkatuko buru izateko

Ekonomi Sustapen Sailak, Eraberritu
programaren bitartez, etengabeko hobekuntzara zuzendutako estrategiak garatu (EFQM), marketingkudeaketa hobetu edo esportaziogaitasuna indartzeko jarduerak burutzea aurreikusten duten Bizkaiko ETEi dirulaguntzak eskaintzen dizkie.




Bizkaiko Foru Aldundia

Ekonomi Sustapen Saila

Diputación Foral de Bizkaia

Departamento de Promoción Económica



eraberritu

Info /

BAO, 2002.eko otsailak 26

Tel.: 94 420 80 49

Ekonomi Sustapen Saila

Obispo Orueta, 6. 48009 Bilbo

Epea /

2002.ko Ekainak 30

.....Epea
Ekainaren 30ean

2002